

CM 0/1050

CM	0	1	2	3	4	5	6	7	8	9	10	11	12	13	14	15	16	17
Lab D50 2	95/0/2	81/0/0	66/0/0	51/0/1	35/0/0	20/0/0	29/19/54	55/-39/33	40/9/-43	42/57/29	82/4/79	51/50/-13	50/-28/-29					
	38/14/16	66/16/18	50/-5/-22	43/-14/21	55/-9/-25	71/-32/0	62/34/60											

Harvard College Library/Imaging Services <http://imaging.harvard.edu>

T 2665/8615

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 10 1941

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637

重刻隆平集叙

文昭公祠下首孫君叙

隆平集者嘗函學先生所論次者也
先生起宋嘉祐間既以書性被致
學倡始伊洛未闢之先年十八歲
博士公記縣學已均見先王事
化之本而慨後世惟疑之立此

重刻隆平集叙

文昭公祠下裔孫思孔撰

隆平集者曾南豐先生所論次者也
先生起宋嘉祐間既以盡性格致之
學倡始伊洛未聞之先年十八代先
博士公記縣學已灼見先王導民成
化之本而慨後世惟辭之主比游歐



哈佛大學漢和
圖書館珍藏印

文忠門與舒國眉山並登作者之壇
而視古立言之君子無愧色所著諸
辭章詩賦奏議制誥等醇乎孟軻氏
以來一人而已于時簡在神宗有曾
某史學見稱士類之許俾典五朝史
事先生則網羅舊聞貫穿時政撰次
以進詔付史館書所載事大體重內

函夏外裔夷累葉荃宰厝注之微辭
食貨兵農之口選舉之沿革其他國
故廷謨纍纍乎若列眉而指掌焉是
書也雖與形而上者不無差別乃究
先生實詣所稱有用之文章非耶蓋
類稿諸編貫道與器學究大全茲亦
枯致一斑潤色鴻業於是烏在辟左

國二種均屬素臣手筆要以揭日月而行終古揆則一耳居嘗謬論先生之文先儒一以為本原六經一以為雜之三代誥命可相表裏學士通宗嚮之而妄者公肆不能詩之謂耳食者吠聲未已也惟元儒劉氏謂詩有風賦比興先生諸詩賦體而多至

比興到處不減杜陵此寂公誣筆耳食者襄安所得家喻而人命也假令先生無類稿數十卷歌詩與茲集在處不孤行天地間邪抑猶之手耳食未也集二十卷先人藏篋中積有歲年紙散墨蠹不敢槩視人頃

廣德令公甯

諱瑞鯉

雅興起斯文表

章遺書語次因及之

侯欣然取讀

欲梓之邑齋會查溪宗庠敏

才行祐道彥祐

等先生裔也方刻先生全集可叙于

侯侯命併成之不佞孔慶

侯能發

皇先哲而嘉宗人士無忘祖烈之遺

也敬訂而序之俾來者有攷焉

大明萬曆二十六年歲在戊戌菊月

初吉頓首書于需雲別墅



曾文定公鞏自叙畧記



曾氏之先家魯南武城點參皆師事孔子曾元之曾孫曰樂漢山陰縣都鄉侯至六世孫曰據不仕新莽始建國二年領家屬避地豫章居廬陵吉陽子豫遂為豫章人據十九世孫曰畧又徙家撫州畧五世孫洪嘗為南豐宰唐末家其地為南豐曾氏之祖鞏世家南豐及大人太常公謫官以還無屋庠田園於南豈也祖母年九十餘諸姑之歸人者多在臨川故祖母樂屋臨川也居臨川者久矣鞏也與諸弟肇輩循僑居之學焉東明劉希聲慶曆三年癸未臨川從子

游慶曆五年配還其鄉過予別與之言曰東明汴邑也子之行問道之所向者以告子子也一趨焉而不息至幸爾爾為一從焉一遠焉雖不息決不至也子也好聞聖人之道亦若是而已矣蔡州汝陽張彥博慶曆四年調為撫州司法叅軍喜從予問道學為文章慶曆五年曲江張父中入大學後二年配過予所居之臨川出其文章因學于予一時所與之遊者甚衆父各中所尤稱者單父吳景初來視予于臨川慶曆五年也丙戌民語云臨川城中三月雨城東大丘涓為渚天地慘慘無開時常恐螿死和

與義丁亥三月十五日慶曆八年戊子九月撫州教授王君盛書晉王右軍墨池六字於楹門以揭之又告于鞏曰願有記十三日曾鞏記

皇宋隆平集序

史官記錄其來尚矣雖六史異名職司殊事

史通內篇按官

禮記有大史小史內史外史左史右史之名太史掌國之六典小史掌邦國之志內史掌書王命外史掌書使于四方左史記言右史記事曲禮曰螭頭柱下史載筆大事書之於冊小事簡牘而已

操觚載簡為記事之始杜佑通典曰周官有左右史記其言事蓋起居之本也唐

制起居郎起居舍人分掌左右龍朔三年改為左右史郎為左史舍人為右史每皇帝御殿對立於殿有

命則臨陛俯聽退而書之以為起居注凡冊命啓奏封拜薨免悉載之史館得之以撰述焉唐書百官志

起居郎掌錄天子起居法度天子御正殿則起居左舍人居右有命俯陛以聽退而書之季終以授史官

正觀初以給事中諫議大夫兼知起居注或知起居事每仗下議政事起居郎一人執筆記錄於前史官

隨之其後置起居舍人分侍左右秉筆隨宰相入殿若仗在紫宸內閣則夾香案分立殿下直第二螭頭

和墨濡筆皆即坳處亦號竊首史記老聃嘗為蘭臺
柱下史漢書王莽改置柱下五史皆稱柱下史

東觀稽文責實為勒撰之所漢法天下計書先上太

如古春秋中興以後以班固為蘭臺令史詔撰光武

本紀及諸列傳載記自章和以後圖籍盛於東觀凡

撰漢記相繼存乎其中至於研精覃思諛正得失權輿綱紀之

論總括經緯之條則必窮神於退食委蛇之間夙興

夜寐之際故凡為是官者莫不家有注記自備討論

豈不以事重體大君子之所盡心焉哉厥自遷固各

有家學楊子山為郡上計猶獻哀牢傳得詔詣蘭臺

後漢西南夷傳哀牢夷章懷太子注引哀迺若陸賈

牢傳則明帝時楊子山因上計所獻文魚豢張璠范曄亦復身非史職私撰國書史通內篇

秦張璠范曄身非史職私撰國書漢陸賈撰楚漢志

秋魏中郎魚豢著魏略五十卷後漢張璠著後漢紀

三十卷南史范曄傳曰宋元嘉元年彭城太妃薨將

葬祖夕僚故址集東府曄與司徒左兩屬王深及弟

司徒祭酒廣夜中酣飲開北牖聽挽歌為樂彭城王

義康大怒左遷宣城太守不得志乃刪眾家後漢書

為家之作至於屈伸榮辱未嘗不致意焉漢魏晉宋

齊梁之世不為史官而撰集者眾而史通所稱唯上

四家蓋亦舉例云爾由是言之二代成憲必資草創於前博采

羣言於眾迺能究當世之事備後王之鑑故知為史

之說 皇朝 太祖開運立極握符御天聖神相繼
緝熙文明之治亮采惠疇官得其人通籍史館尤為
慎選凡預論著皆命世大儒博學通識允所謂良史
之才者也南豐曾鞏子固為左史日嘗撰隆平集以

進自 太祖至于 英宗五朝聖君賢臣盛德大業
文明憲度更張治具之體文武廢置軍政大小之務
郡縣戶口風俗貢職之目柴燎祠祀學校科選之設
宰相百官降王外夷之事分門列傳凡一百六年爲
書二十卷當時號爲審訂頒付史館副存于家雖非
正史亦草勅注記之流也世之學者前古之事靡不
歷覽至于 皇朝典故則往往不知其源或年代差
舛或名號錯誤事辭失據前後抵牾蓋其所傳不審
而外之故事雜錄各附聞見國史法禁世莫得聞每
措紳之士文涉典故則含毫猶豫况於考著譜牒載

述碑頌可使是非無準厚誣當時致惑來世今斯集
所載五朝之事炳然在目曾大父淄王昔典宗正嘗
授此書不敢顯祕庶幾宦學君子有所考質嗚呼觀
臯陶益稷之言知帝堯舜之事學者豈不孜孜歟
紹興十二年四月 日淄國趙伯衛謹序



重刊
趙伯衛印

平集目錄

庚申秋得於京師
東山寶函誌

卷第一

聖緒

符應

都城

官名

官司

館閣

附文書

郡縣

學舍

寺觀

宮掖

卷第二

行幸

取士

招隱逸

卻貢獻

慎名器

革弊

節儉

宰執



卷第三

祠祭附封爵

刑罰

燕樂

愛民附方藥

典故

河渠

戶口

雜錄

卷第四

宰臣

范質

魏仁浦

王溥

王貽永溥孫

薛居正

沈倫

盧多遜

趙普

李昉子宗諤

宋琪

呂端兄餘慶

李沆

畢士安

呂蒙正

張齊賢

王旦

向敏中

寇準

王欽若

丁謂

馮拯

卷第五

宰臣

王曾

李迪

張知白

呂夷簡

張士遜

王隨

陳堯佐堯叟堯咨

章得象

陳執中父恣

晏殊

杜衍

龐籍

劉沆

賈昌朝

宋庠弟祁

卷第六

叅知政事

劉熙古

竇儁兄

李穆

賈黃中

王沔

蘇易簡孫

張洎

辛仲甫

李至

李昌齡

趙昌言

王化基子

郭贄

溫仲舒

陳彭年

趙安仁

任中正弟中師

魯宗道

卷第七

叅知政事

卷第八

叅知政事

薛奎

蔡齊

盛度

韓億

王巖

朱綬

李若谷子

晁端慤

范仲淹

丁度

吳育

程琳

明鎬

王堯臣

程戡

孫抃

卷第九

樞密

卷第九

樞密

吳廷祚子元

王仁顯

李處耘子繼隆

石熙載子中立

楚昭輔

李宗矩子遵勗

張德超

楊守

張遜

曹彬子繁

楊礪

宋湜

錢若水

張宏

夏侯嶠

柴禹錫

卷第十

樞密

王繼英

王顯

韓崇訓

周瑩

劉昌言

趙鎔

李惟清

王嗣宗

馬知節

周起

曹利用

姜遵

王晦叔

趙積

李諮

王博文子疇

范雍

張耆

張觀

卷第十一

樞密

夏竦

王德用父超

狄青

高若訥

田况

包拯

孫沔

宣徽使

管居潤

張美

潘美

郭守文

雷有終

李用和

郭承祐

張堯佐

卷第十二

王後

周鄭王

偽國

錢俶寅子惟

陳洪進

李煜

劉繼元

孟昶

高繼冲

劉鋹

周行逢

卷第十三

侍從

張昭

扈蒙

陶穀

戚綸父同

徐鉉

楊徽之

王禹偁

田錫

邢昺

孫何弟

路振

朱昂

宋白

杜鎬孫

張詠

种放

楊億

卷第

侍從

樂黃目史父

劉筠

錢昆弟易易子彥遠

蘇紳

李行簡

馬亮

楊大雅

孫甫

司馬池

張師德

謝絳

李仲容

馮元

孔道輔

段少連

葉清臣

彭乘

王洙

胥偃

狄棐

吳遵路父

周湛

楊察弟寅

余靖

賈黯

何中

陳從

卷第十五

儒學行義

尹洙

江休復

周堯卿

孫復

石延年

張唐卿

石介

胡瑗

劉顏

王回

劉羲叟

徐復

高澤

林逋

代淵

趙師旦

曹覲

孔宗旦

卷第十六

武臣

藥元福

郭瓊

何繼均子承

楊廷璋

王審琦

符彥卿

王全斌孫凱

李謙浦子允正允則

賀惟忠

姚內斌

董遵誨

王彥昇

趙贊

李漢超

楊美

郭延謂

李懷忠

郭進

武行德

卷第十七

武臣

馬仁瑀

楊鄴子延昭

王彥超

留福

荆罕儒

范延召

王晏

王景

元達

錢守俊

譚延美

高瓊子繼勳

党進

呼延贊

崔翰

解暉

曹翰

翟守素

折御卿

侯延廣

田重進

盧斌

趙延進

康保裔子繼英

卷第十八

武臣

魏丕

安守忠

楊允恭

張承德

柳開

王漢忠

慕容德豐

王繼忠

張疑子昭遠

上官正

周審玉

田紹斌

李重貴

石保吉

王中正

石普

曹克明

李繼宣

荆嗣

卷第十九

武臣

楊嗣

李溥

盧鑑

周美

焦守節

閻守恭

張論

安俊

王信

劉平

石元孫

王珪

耿傳

桑懌

任福

葛懷敏

郭恩

馬遂

景泰

趙滋

李緯

范恪

張亢

种世衡

劉滄

張君平

孟元

馬懷德

許懷德

卷第二十

夷狄

耶律隆緒 趙保吉 角厮羅

李公蘊

妖寇

王小波 李順 王均

陳進 區希範 王則

儂智高

隆平集目錄 畢

隆平集卷第一

聖緒



南豐曾鞏集



齋孫宜叔



哈佛大學漢和圖書館珍藏印

聖宋趙姓帝高陽氏之後自漢京兆尹廣漢而下世居涿郡爰及唐李僖祖生焉燕薊之俗尚武時有僖祖以儒學顯終於縣令歷永清文安幽都三邑順祖即其子也少博學有時譽終於御史中丞翼祖即其子也少年慷慨有大志歷營薊涿三郡宣祖即其子也雅尚儒素又勇智過人仕周為將帥終贈太尉○太祖皇帝以宋州節度使為始封故國號大宋以火

德王色尚赤○太祖啓運立極英武睿文神德聖功
至明大孝皇帝宣祖皇帝之第二子母曰昭憲皇太
后杜氏初後唐明宗卽位每夕焚香禱天曰臣出戎
狄世亂爲衆所推願上天早生聖人與中國爲主天
成二年二月十六日太祖生周顯德七年正月三日
統師北征劉鈞次陳橋軍士推戴勢不可避四日周
帝遜位○太祖登極以生辰爲長春節改元建隆追
尊皇高祖府君諡文獻皇帝廟號僖祖陵曰欽陵皇
會祖府君諡惠元皇帝廟號順祖陵曰康陵皇祖府
君諡簡恭皇帝廟號翼祖陵曰定陵皇考府君諡昭

武皇帝廟號宣祖陵曰安陵開寶九年十月癸丑宮

車晏駕在位十七年聖壽五十葬永昌陵孝明皇后

王氏孝章皇后宋氏繼孝明立孝惠皇后賀氏卽位後追冊

太宗至仁應道神功聖德文武睿烈大明廣孝皇帝

宣祖皇帝之第三子太祖同母弟晉天福四年十月

十七日生顯德七年從太祖北征太祖旣爲諸軍擁戴

師還

太宗叩馬首告曰諸軍將校若恃功肆行剽略使民

肝腦塗地非順天應人之意願誓而後進太祖遂誓

于衆諸將而下翕然稟命太祖嘉帝英略友愛益至

貴妃
追冊

英宗體乾膺歷隆功盛德憲文肅武睿聖宣孝皇帝
○太宗皇帝之曾孫濮安懿王第十三子母曰仙遊
縣君任氏生帝於天聖十年正月三日嘉祐八年三
月辛未卽皇帝位次年改元治平以生辰爲聖壽節
治平四年正月丁巳宮車晏駕在位五年聖壽二十
有六葬永厚陵皇后高氏

卽位後
受冊

符應

竇儼周顯德中與楊徽之盧多遜同在諫垣嘗曰天
地厭亂久矣丁卯歲五星聚于奎自此太平矣恨不

與二拾遺同見之也乾德五年丁卯五星會于奎儼
果已卒師次陳橋軍中有苗訓者善占候引親吏楚
昭輔視日下復有一日○晉天福中兩浙民間語必
以趙字爲助如飲曰趙飲食曰趙食之類宋興錢俶
獨先恭順蓋悟此也○蜀自孟昶襲位民家質物者
必書門曰召主收贖及昶末年命翰林學士辛寅遜
書桃板辭不工昶自題云新年納餘慶嘉節號長春
及王全斌平蜀朝廷以叅知政事呂餘慶知成都府
而長春節太祖生辰也江南自晉漢以來民間服玩
侈麗者或問之必曰此物屬趙寶子又李煜宮女染

碧夜偶不收得雨色益鮮自爾競收雨水以染謂之
天水碧天水趙姓郡號也

都城

東京城以宣武軍節度使治所建周世宗命韓通以
近甸丁夫增修太祖建隆三年命有司廣皇城東北
隅按洛陽宮殿圖營繕太宗太平興國四年重立京
城內外門名二十有五外城門南薰而次十七
內城門崇明而次八○西
京古洛邑今與南北京竝為別都○南京景德三年
升應天府建 北京慶曆二年升大名府建

官名

諸州置通判始於建隆四年命刑部郎中賈玘等充
湖南道諸州通判乾德四年詔自今事無巨細須長
吏通判僉議連書僚屬方得奉行太宗朝以宋琪為
開封府通判是後開封府不復置司寇叅軍建隆間
置以及第進士九經五經并在銓選人為之其後改
曰司理五代時兩京軍巡諸州馬步院都虞候判官
止以開封河南及諸州牙校充選至是改馬步院為
司寇而兩京軍巡始選任京官○轉運判官開寶六
年廣南路初除徐澤一員太平興國三年諸路竝置
以武德使副為皇城以閑廐使副為崇儀太平興國

中改○文明殿學士太平興國五年因殿名置九年
殿災改建爲文德殿此職遂廢○以補闕爲司諫以
拾遺爲正言太平興國六年改○內殿崇班左右侍
禁太平興國六年置以供奉官殿直有四十年不得
遷轉故贈此三資崇班在供奉官之上殿直在侍禁
之下又改殿前承旨爲三班奉職以天廐使副爲左
右騏驎雍熙間改○宣政使淳化中置太宗曰宣徽
使執政之漸非宦者所宜處以王繼恩平李順有功
故持置此職授之○翰林侍讀學士咸平二年參用
舊制祿秩次翰林學士以侍讀授楊徽之夏侯嶠呂

文仲以侍講授邢昺唐開元有侍讀其後有翰林侍
讀學士至五代廢太宗始命呂文仲侍讀寓直禁中
名秩尚卑故復更制三司使咸平六年復後唐長興
之制長興中張延勛領其使其後遂廢至是以寇準
嘗執政故以爲使兼總三部下袞鹽鐵查道度支林
特戶部竝副使又以判官六員外掌政令奏事又有
更制使止書檢餘皆副使判官主之○資政殿學士
景德二年因殿名置殿在龍圖閣之東序時王欽若
求罷政事屢請不已特置此職以寵之殿學士在翰
林學士之下侍讀之上是冬又加欽若大學士之稱

在翰林承旨之上○龍圖閣待制景德初閣成因置此職以授戚綸杜鎬大中祥符末又以馮元直龍圖閣待制直閣之名蓋始於此○提點刑獄景德四年置在轉運使副之下而俸給同每路二員內一員武臣帶同字天禧四年改曰勸農事至是提點刑獄亦兼○內殿承制大中祥符二年置在崇班之上○景福殿使大中祥符五年置以授內臣劉承規○發運都監天禧間置○天章閣待制天聖中置景祐間又添置侍講○崇政殿說書景祐元年置以授賈昌朝○端明殿學士景祐初復後唐長興之制以殿為名

直此職○觀文殿大學士慶曆七年置時宰相賈昌朝求罷政事除右僕射因以此職寵之仍詔自今曾任宰相者方除○紫宸殿學士慶曆八年因殿名置以授丁度是後不復置

官司

事材場建隆間內臣閻承翰以八作司出納積弊建議於都城西置場治此而後授之世以為便○綾錦院乾德五年置之咸平蜀所得錦工六百人隸焉○內藏庫太祖所置謂之景福內庫太宗新其名曰內藏自淳化至景德用兵及郊丘之費不取於民有司

假內藏緡帛六千餘萬每歲多或三百萬少亦不減
百萬累年不能償詔卽蠲除之真宗景德中命陳彭
年作記以示宰臣曰此庫乃爲計司備經費爾苟非
節用能如是邪○以武德司爲皇城司太平興國中
改○封駁司太宗從魏羽請遵故事復置因命羽典
領自唐以來凡制詔皆經東臺省審有未便者許封
駁以聞主之者給事中也咸平四年改曰門下封駁
事則給事中之職○以匭院爲登聞院太平興國六
年改置咸平四年改登聞院曰登聞檢院改鼓司曰
登聞鼓院自是匭函遂廢○天聖間於登聞檢院鼓

院各以匭函爲檢匣凡言大事朝政闕失或訴寃未
辨者悉令投檢匣以進卽言涉奇邪無得通聞○以
天廐爲左右騏驎院雍熙初改○三班院雍熙四年
置先供奉官以下隸宣徽院其員寔多故別置官司
考課而陞黜之理欠司雍熙四年詔諸路州郡置○
以軍頭司爲殿前忠佐司端拱元年改○審刑院淳
化二年於禁中置以李昌齡知院事凡具獄案經大
理寺刑部方關審刑中覆然後下相府相府又以聞
始論決○理檢司淳化三年詔於乾元門西北廊置
復唐制也○天聖中遂置理檢使以御史中丞領之

○審官院淳化四年改考課朝官院爲之其幕職州縣官止曰考課院○國信司景德元年因契丹修好始置止以內臣閣承翰領其事諫院明道初置○都水監嘉祐三年置

館閣文籍附

三館新修書院太平興國三年詔賜名崇文院唐武德中初置修文館隸門下省正觀中建史館於禁中專掌國史開元五年於乾元殿東廊寫四部書置刊定官以麗正殿爲修書史十二年詔學士張說等宴於集仙殿曰集賢卽麗正殿也以修書史爲集賢殿

書院三館之名蓋起於此自是集賢昭文置大學士史館置監修國史皆以宰相兼領又置學士修撰直館校理之職以他官領之昭文館隸門下省史館寓於集賢至梁遷都始以今右長慶門東北小屋十數間爲三館湫隘喧雜太宗卽位顧左右曰此豈所以待天下賢俊耶詔經度左昇龍門東北車府爲三館又敕園圃植花木引御溝水注其中開便門西序備行幸盡遷文籍置焉東廊爲昭文書庫南廊爲集賢書庫西廊分經史子集四部爲史館書庫初乾德中平蜀得書一萬三千卷開寶末平吳又得二萬卷叅

舊書為八萬卷○祕閣初隸京百司淳化元年祕書
監李至等言藏書之府漢麒麟天祿閣在未央宮中
命劉向揚雄典校謂之中書即內庫書也後漢東觀
亦在禁中桓帝始置祕書監掌圖書祕記謂之祕書
魏分祕書為中書而祕書監掌藝文圖籍後以祕書
屬少府王肅為祕書監論不應屬少府因是仍舊而
蘭臺亦藏書故薛夏云蘭臺為外臺祕書為內閣晉
宋皆有祕書之號晉孝武好覽文藝敕徐廣料祕書
閣四部三萬卷宋謝靈運為監補祕閣之遺逸齊末
兵火經籍散亡隋煬帝寫祕閣二書分為三品於觀

文殿廊貯之唐開元年於乾元殿東廊寫四庫書以
充內庫命褚元量馬懷素總其事復以集仙殿為集
賢殿內置書院今陛下建祕書閣以藏奇書願頒明
詔俾與三館同列不隸京百司詔自今祕閣宜次三
館祕書省依舊屬京百司○唐會要百卷建隆二年
宰相王溥進德宗時蘇冕撰四十卷武宗時崔鉉又
撰四十卷溥采宣宗以來故事廣成百卷○開寶通
義二百卷開寶四年學士李昉進唐開元中徐堅蕭
嵩等刪定古今五禮百五十卷昉等廣以成二百卷
開寶通義纂一百卷開寶六年叅知政事盧多遜進

太平總類太平御覽太平廣記皆太平興國中儒臣李昉等編次○文苑英華一千卷雍熙三年學士宋白等奉詔以前世文章纂成○道藏經大中祥符九年樞密使王欽若刪詳凡三洞四部共四千三百五十九卷欽若言道德隆符乃老君聖祖所述升于洞真部靈寶度人經之次又總爲目錄表求御製序詔從其請賜名曰寶文統錄欽若又言三洞真經者無上大羅天中王京元都祕藏之所蘊也元始命天皇真人象形模寫名曰天書玉篆爲文字之宗由是經錄符圖諸天靈寶遍相祖述故道經爲首焉洞真

經洞元經洞神經總百九十二萬四千三百八十卷祕在玉京元都三十三天未盡降世間開闢後已降之經一萬九千九百七十卷梁簡文帝時有六千餘卷唐明皇所撰瓊綱纜三千餘卷徐鉉等嘗校勘去其重複得三千七百三十七卷至欽若又增五百餘卷焉洞真洞元洞神謂之三洞太清太平太真正一謂之四部欽若又於道藏中檢閱神仙姓國姓者四千人事迹以聞詔圖形景靈宮廊廡

郡縣

建隆三年以青州北海縣爲北海軍○建隆四年以

秦州大潭縣治成紀開封府東明鎮為東明縣義州
山寨鎮為安化縣義州太平與國初改為宜州潭州弘道縣為營
道縣又以潭州江華縣隸道州○乾德二年以襄州
陰成鎮為光化軍以襄州穀城鎮為乾德縣隸光化
軍以助州桃源鄉為桃源縣以揚州迎鑾鎮為建安
軍割永正縣隸焉○乾德三年以溧州常豐場為常
豐縣衡州安仁場為安仁縣江陵府白汭巡為潛江
縣白日巡為建寧縣萬庚巡為萬庚縣白沙院為玉
沙縣以北海軍為濰州割營丘昌邑并北海縣隸焉
○乾德四年以灌口鎮為永康軍割成都府導江縣

蜀州青城縣隸焉○乾德五年以成都府金水縣為
懷安軍割漢州金堂縣隸焉○開寶元年詔隴州置
隴安縣○開寶二年以合州濃洄鎮為廣安軍○開
寶三年以萬州梁山縣為梁山軍滄州無隸縣為保
順軍○開寶四年改密州輔唐縣曰安丘蜀州唐興
縣曰江源壽州盛唐縣曰六安同州奉仙縣曰蒲城
廣南恩唐州曰恩州明州曰南雄州又升揚州高郵
縣為高郵軍○開寶五年以荆門鎮為荆門軍割荆
南長林縣隸焉又改邕州晉興縣曰樂昌利州益昌
縣曰昭化趙州昭慶縣曰隆平○開寶六年以雲安

監為雲安軍○太平興國二年以李繼昇築潞州北
亂柳九圍中為威勝軍建鎮州成堡寨為平定軍曹
州定陶鎮為廣濟軍改平南軍為太平軍以蕪湖繁
昌縣隸焉○太平興國三年以廬州無為縣為無為
軍以建州邵武縣為邵武軍○太平興國六年以定
州保塞軍為保州易州太保寨為平寨軍梁門口寨
為靜戎軍是年改靜戎曰靜安以霸州淤口為破虜
軍改新鎮軍曰平戎○太平興國七年以江州星子
縣為南康軍改關南曰高陽關○太平興國八年以
海門鎮為太平軍以衢州開化場為開化縣雍熙四

年以廣德軍郎步鎮為建平縣○端拱元年以黎陽
縣為通利軍以富國場為富國監○淳化元年以大
庾縣置南安軍以大庾南安上猷三縣隸焉○淳化
四年以耀州黎園鎮為淳化縣○淳化五年降成都
府為益州以李順之亂故也以撫州金溪場為金溪
縣建州崇安場為崇安縣岳州王朝場為平江縣信
州寶豐場為寶豐縣汀州上杭場為上杭縣武平場
為武平縣仍舊隸逐州又以石保寨建威寨軍席鷄
城寨建清遠軍復為環州○至道三年建三泉縣為
大安軍以西縣隸焉降天長軍依舊為縣隸揚州以

隋平身卷一
揚州六合縣隸建安軍築古原州爲鎮戎軍其謀出於節度李繼隆田蔚茹河路護靈州軍糧因帥進壁而還○咸平元年改太平軍爲太平州○咸平三年以嵐州靜樂寨爲靜樂軍○咸平四年以涇州長武鎮爲長武縣仍隸涇州○咸平五年改靜樂軍爲憲州以開封府通許鎮爲咸平縣○景德元年改威虜軍曰廣勝靜戎軍曰安肅破虜軍曰信安平戎軍曰保定寧邊軍曰永寧定遠軍曰永靜定羌軍曰保德平虜城曰肅寧○景德三年升應天府爲南京以齊州章丘縣爲清平軍以洛州高苑縣爲宣化軍以河

南府永安鎮爲永安縣○大中祥符二年改浚儀縣曰祥符升建安軍爲真州○慶曆二年升大名府爲北京○慶曆八年改貝州爲恩州

學舍

五代學校不修學者多各從其師是以廬山有白鹿洞書院崇陽嶽麓亦各有書院國朝各賜以書籍大中祥符初應天府民曹誠猶卽戚同文舊學之地造書舍詔賜額曰應天府書院命戚綸之子舜賓主之其後庠序之教興而所謂書院者未之或聞矣武學慶曆二年置於武成王廟

寺觀

建隆元年詔諸道寺院經顯德二年已廢者不得存留其佛像許移置見存留處○開寶三年改封禪寺為開寶寺五年賜峨眉山新寺名光相○太平興國二年改新造龍興寺為太平興國寺因年號報光寺為乾明因乾明節三年改廬山東林為太平興國寺西林為乾明寺通玄寺為太平觀九年置啓聖禪院即太宗皇帝降誕之所○大中祥符間在京及仙源縣壽丘竝建景靈宮立聖祖殿仙源縣壽丘建太極觀立聖祖母殿詔天下州軍監置天慶觀仍竝建聖祖殿又

改潤州京江中金山曰龍遊禪院是山古謂之浮玉唐正元二十一年江濱獲黃金數鎰詔改為金山有頭陀自稱裴氏至山始創寺咸通中曹確以山名寺偽唐李景保大間改寺名潭心云○治平三年詔應無額寺院屋宇及三十間以上者竝賜壽聖為額因壽聖不及三十間者竝行拆毀

宮掖

建隆初後宮止及二百八十餘人開寶五年水災太祖徧諭之曰願歸者以情言得五十餘人賜白金犒帳遣之太宗嘗謂侍臣曰晉武帝平吳之後宮畜數

千人朕以此為戒宮中妃御掌事輩不過三百人猶以為多更差擇之後雍丘尉武程上疏願減後宮嬪嬙上謂宰臣曰內庭給使亦分掌事有不可去者爾朕固不作離宮別館取良家子充其中如秦漢之君也李昉請加黜責以懲妄言上曰朕曷嘗以言罪人但念程不能知爾真宗即位擇宮中給事歲深者出之景德元年又令籍宮中止留年高者餘悉放出皆號泣願留上敦諭令中使訪良族聘之宰臣李沆曰此盛德之事也大中祥符元年又遣出百人謂近臣曰亦節用之一端也○仁宗寶元二年放宮人二百

七人論輔臣曰不獨矜其幽閑亦省掖廷費也○英宗治平元年放宮人一百三十五人又明年放一百八十人宮人及戚里有留內寺觀為尼女冠不出者上一日謂宰臣曰欲聽從人可乎韓琦等對曰陛下哀憐及此誠仁政之一端也遂聽其從便

隆平集卷第一

隆平集卷第二

行幸

裔孫

宜及朶訶思問秀二
辛應祖盛二華一校刊

建隆元年昭義軍節度使李筠叛五月駕幸軍前六月
月筠自焚澤潞平七月車駕還京時筠子守節據上
黨聞筠死亦降是年九月李重進叛十月車駕幸軍
前十一月重進自焚十二月車駕還京重進太原人
周祖之甥在周為平盧軍節度使判揚州至是以揚
州叛開寶二年二月親征太原五月太常博士李光
贊上言遂詔班師六月車駕還京○太平興國四年
二月親征太原先詢曹彬曰周世宗太祖親征何以

不能克對曰世宗以史超敗於石嶺關人情驚擾故
師還太祖屯兵於甘草地軍人多腹疾遂中止今兵
甲精銳翦孤壘猶拉朽爾上於是決計四月至太原
五月隳其城劉繼元始降詔釋之六月駕臨范陽七
月還京○咸平二年北虜入寇十二月駕幸河北三
年正月王師告捷車駕還京○景德元年北虜入寇
十一月駕幸軍前次衛南縣大將李繼隆奏今月二
十四日敗虜衆於澶州城北虜將順國王撻攬爲王
師強弩所斃其衆遂遁時虜主及其母同入寇因王
繼中遂乞修好二十六日駕至澶州虜使韓杞見于

行在十二月車駕還京○景德四年正月駕幸永安
朝拜諸陵二月幸河南三月車駕還京○大中祥符
元年十月駕幸泰山行封禪禮辛亥享昊天上帝以
太祖太宗配三獻畢封金玉櫃壬子禪祭皇地祇於
社首山十一月幸曲阜縣謁文宣王廟及孔陵林木
侵道遂降輿乘馬至宣尼墓設奠再拜又加諡齊太
公曰昭烈武成王建廟青州追封周公曰文憲王建
廟曲阜縣是月車駕還京往還四十七日未嘗遇雨
雪○大中祥符四年車駕幸河中府親祠汾陰二月
丁巳至寶鼎縣奉祇宮辛酉上服袞冕祀后土祇改

奉祇宮曰太寧宮以寶鼎縣爲慶成軍隸河中府又
改慶成軍寶鼎縣曰榮河縣三月幸西京至永安縣
謁諸陵四月車駕還京○大中祥符七年正月駕幸
亳州太清宮奉加號冊寶丙午至真源縣奉元宮上
齊于迎禧殿戊申上服通天冠絳紗袍進大次巳酉
行朝謁禮改真源縣曰衛真升應天府爲南京以新
修聖祖殿爲鴻慶宮二月車駕還京

取士

舊制臺閣近已每年得以抱文藝者公薦於貢闈知
舉官去取不能無所徇建隆四年詔禁止之○開寶

二年詔西川山南荆湖等路所薦舉人竝給往還券
○開寶六年初殿試進士自是爲定制故事禮部放
榜勅下之日醵錢爲同喜飲於曲江近世多於名園
佛宇太平興國元年呂蒙正等及第始官爲供帳仍
賜御詩至道二年張洎以儒行篇刻板印賜近臣并
新及第人隋大業中始設進士科至唐爲盛每歲不
過三十人咸亨上元中增至八十人旣而復故開成
間連歲放四十人俄仍舊制太宗卽位旬日之間放
進士三十三人經科百九十六人竝賜綠袍木簡未
命官而釋褐新制也咸平三年放進士四百一十四

人并九經而下共一千五百四十六人景德初進士
遂至七百八十三人自是取人日益盛矣景德以前
進士及第導從過多景德二年貢院乞令狀元用一
節呵導餘上雙控馬首遇常叅官欽馬側立詔從之
○大中祥符八年蔡齊殿前第一人及第詔令金吾
司差七人許出節前引遂爲定○大中祥符五年殿
試題始賜印及草紙○天聖中初置武舉至皇祐罷
治平元年復置○制舉自乾德二年至治平應詔人
無定數

訪隱逸

道士澄隱字棲真常山人兼通儒釋典太祖征太原
還幸其所居問曰師年八十容貌甚少必能養生宜
以教朕對曰臣養生不過精思鍊氣爾帝王養生則
異於是老子曰我無爲而民自化我無欲而民自正
無爲無欲疑神太和軒帝陶唐享國永年得此道也
上悅厚賜之○王昭素酸棗人篤學有至行鄉人有
訟不之官府而詣昭素爲之辨折無不敬服開寶二
年召至命講易年踰八十矣居月餘求歸特授國子
博士自李穆而下有聞於特者皆其門人也○陳搏
居華山靈臺觀太平興國間兩至京師賜號希夷先

生上令引至中書宰相宋琪問修養之道搏曰不知也今上言皆究治亂之大旨誠有道仁聖之主正君臣協心治天下之時勤行修練無大於此時年近百歲居華山四十年端拱二年預言其卒以表來上云大數有終聖時難戀命弟子賈德昇鑿石室於張超谷室成而逝搏能逆知人意有華陽隱士李奇自言開元中郎官年數百歲顏如嬰兒行數百里頃刻而至常與搏酬唱人以爲神仙○布衣潘閔常賣藥京師好交結上左右有言其善吟詩者至道初召對賜進士出身國子四門助教未幾追還所賜真宗西祀

有言陝州魏野河中李濟皆隱居求志上特召之皆稱疾不起天禧四年二人者繼逝各追贈著作郎仍賜其家粟帛

卻貢獻

淳化中夏州趙保忠獻鶻謂之海東青上曰朕久罷畋遊無所用也還以賜之○景德中文州尚牧獻白御馬一上曰進貢無名命亟還之大中祥符間蒲端國獻崑崙奴上曰異俗離去鄉土可憫也命還之○天聖元年乾元節知寧州職方員外郎楊及以繡佛來獻上謂近臣曰及佞人也民安政舉乃守臣之職

安用此為命亟還之○仁宗諭輔臣曰川路舊貢織
繡佛像者悉罷之宰相王曾曰臣恭聞德音所謂不
作無益害有益也○溫鼎廣州歲貢柑橘及蜜煎菓
實又致其餘於大臣謂之貢餘宰相王曾請加禁止
上曰貢且勞矣况其餘乎命亟罷之○英宗卽位于
闕國遣使貢獨峰駝上曰異物非朕所貴命還之右
贊善大夫陳世修獻白馬一英宗賜帛五十段仍還
其馬

慎名器

教坊使衛得仁以老乞外官引唐莊宗朝故事與額

郡太祖謂宰相曰伶人為刺史亂世事焉可劾宰臣
欲以為上州長史司馬上曰此亦不當輕授止令與
太常寺大樂令崇儀使尹繼勳端拱二年敗北虜於
唐河殺其皮室相公射虜將于越中臂虜衆大潰相
蹂踐而死者不可勝計時李繼隆護糧虜騎行將及
因是獲免策功止加洛苑使長州刺史唐制郊祀行
慶止進勳階五代肆赦例遷官秩宋初因之未暇革
去右司諫孫何起居郎耿望言其非制真宗嘉納遂
定三年磨勘進秩之法郊禮止加散官勳爵景德初
李繼隆石保吉敗北虜於澶淵斃其驍將捷覽飲至

行賞繼隆而下止加勳階食邑○真宗嘗語輔臣欲
省費用減吏員宰臣向敏中曰太祖太宗朝閣門祇
候止三五員今踰數百除授未已願慎擇焉上曰相
承爲例當漸省之○魯國長公主以醫官使趙自化
醫術有効請授尚食使兼醫官真宗曰元份嘗有請
已諭其不可今乃復爾命樞密院召自化戒之○樞
密使副張士遜求以子友直爲館閣校勘仁宗曰館
閣所以待英俊可以恩丐乎上命友直於館閣讀書
遂詔校勘無得增員仁宗謂輔臣曰圖書之府所以
待賢俊而備討論也此來公卿之族多以恩澤爲請

殆非詳延之意也其詔自今輔臣兩省侍從不得陳
乞子弟親戚爲館閣官其進士及第三人以上亦考
所進文召試入等始得除○駙馬都尉柴宗慶求爲
使相仁宗問輔臣曰如何宰相王曾對曰先朝石保
吉魏咸信皆歷行陣有勞晚方除使相且將相之任
繫國重輕豈容私請上曰朝廷名分何可妄求卿等
可召宗慶諭之○杜衍爲宰相凡內降與恩澤者少
積至十數於上前面納仁宗語諫官歐陽修曰外人
知杜衍封還內降邪朕居禁中有求恩澤者每以衍
不可爲告而止者多於所封還也○章懿太后弟李

用和長子璋既爲閣門副使次子珣又求任通事舍
人仁宗諭之曰朝廷爵賞所與天下共也戚里之家
兄弟遷補皆如已欲使朕將何以待諸勳舊乎○章
惠皇后弟汝舟兵馬總管楊景宗乞爲郡仁宗以其
累犯法復起曰朕於景宗何愛一郡然貪虐之性老
而益甚使爲郡則一方受弊矣○張堯佐爲三司使
言者慮其遂大用也力爭攻之上諭輔臣曰自今后
妃之家毋得用爲執政著以爲令翰林侍讀學士張
瓌判吏部流內銓其子郾城主簿庖民鎖試未嘗署
功補考而又考限未至同判銓翰林侍讀學士范鎮

令用例以隨身曆爲證而不取審狀書考移令瓌雖
礙親不預其事然知其故而弗止英宗以問輔臣皆
言瓌可勿劾上曰瓌私其子可不顧銓法耶命特奪
一官降知濠州鎮亦坐贖金○英宗皇帝患吏員猥
多乃詔待制以上六周年中書取旨轉官至諫議大
夫止京朝官竝四周年與磨勘至前行郎中止少卿
監以七十員爲額於前行郎中先補官者補其闕酬
賞及特恩不在此限

革弊

五代以來天下郵傳皆役平民建隆二年始命以軍

人代之五代時使臣往來及輦運官司皆役僑居人戶謂之遍夫建隆三年詔禁止之○五代承唐季亂離之後國用窘蹙故冬服止及將相翰林學士諸軍大校建隆三年初賜文武常參官太平興國二年十月朔詔賜百官諸軍校百夫長以上及遣使齎賜藩鎮州郡冬服自是以爲常五代以來領節旄者多武夫悍卒所至必補親吏代判緣是爲姦民被其患乾德三年詔諸州長吏或藉人代判者於賓幕內擇公幹官不得復任元從人○五代以來衣服旗幟止以綵績開寶四年郊禋初易以繡衣鹵簿內臣李承進

建事唐莊宗太祖嘗問莊宗時事對曰莊宗好畋獵每次近郊禁止衛士必控馬首曰兒郎輩寒冷望陛下與救接莊宗隨所欲給之如此者非一晚年蕭牆之禍由賞賚無節威令不行也太祖歎曰二十年夾河戰爭不能以軍法約束此輩誠兒戲○開寶四年郊禋優賞三班殿直搗登聞鼓援御馬直例上遣中使謂曰朕之所與便爲恩澤豈有例邪盡戮搗鼓者四十餘配許州驍捷自都指揮使尹進而下竝杖而降籍初平蜀日選孟昶親兵一百二十人隸殿前司謂之三班殿直至是遂廢○堂後官五代以來擇用

諸司人吏倚法徇私莫可檢察開寶末始詔流內銓
擇選人令錄與升朝官判司簿尉與上縣令俾充是
選其後止以諸科出身人克漢乾祐以來天下令錄
判司簿尉竝據所請俸折支物每一千分兩戶俾月
輸緡錢除二稅外與免徭役謂之俸戶開寶九年太
祖卽位始詔罷之○親從指揮使馬翰稱京城有賊
願自緝捕真宗謂輔臣曰朕尹京日聞翰以緝捕爲
名頗爲民害事未彰露姑置之自今捕盜止委開封
府可也

節儉

太祖嘗閱孟昶宮中物有寶裝溺器遽命毀之曰以
此奉身不亡何待○太宗未嘗御新衣樞密使王顯
等侍數視上袴上怪而問之對曰陛下袴紋縷皆倒
上笑曰瀚濯頻故爾朕念機杼之勞且欲化天下以
儉也○油衣庫言帟幙損幣者數萬請毀棄之太宗
命煮染雜色成旗幟數千它日有司又以營繕棄材
請給甄官薪上命擇其可用者成什物數千分賜宰
相李昉等咸相顧而歎曰富有天下而猶器微物於
已棄之餘則其大者可知矣○御馬舊以織成帕覆
鞍勒至道二年詔以黃絹代之輔臣嘗因奏事至福

寧殿之西閣見仁宗所御幄帟茵衾皆質素暗弊自
是大臣之家無復僭侈

宰執

唐以待中中書令爲真宰相又言故事左右僕射各
一人侍中中書令各二人爲正宰相武德初李勣任
左僕射以南省務疏於北省始命帶中書門下三品
竝平章事者爲真宰相其宰相僕射不帶同三品者
但釐尚書省務而已正觀至德間置左右相又有知
政事叅議朝政叅預朝政叅知政事叅知機務皆宰
相之稱也高宗謂叅知政事崔知溫曰郭待舉岑長

倩郭正一魏元同歷任尚皆淺且令預聞政事未可
與卿等同名待舉等竝與中書門下同受進止平章
事則是平章事亦或居叅知政事之下其後方鎮遂
有以恩授平章事者然而宰相謂之平章事蓋始於
唐矣乾德二年太祖旣以趙普爲相且欲用薛居正
呂餘慶故詢翰林學士陶穀曰下丞相一等何官穀
對曰唐有叅知機務叅知政事翊日竝命居正餘慶
叅知政事不宣制不押班不知印不於政事堂禮上
殿庭別設塼位居宰相後敕尾列銜仍下押字太宗
始命與宰相更互知印時議者謂穀之對爲失而下

丞相一等漢御史大夫是也雖然唐叅知政事固宰相之任曾何以爲百王不易之制始稱謂適同爾官制因時輕重蓋可見矣僕射侍中皆秦官僕役於射謂之僕射緣所領之事而立名者爾侍中則丞相之史也抗之以爲宰相名同而實異甚矣樞密使唐特以宦者處之朱梁改曰崇政院始命敬翔爲使後唐同光復其舊稱命宰相兼其任石晉天福中廢樞密而置宣徽南北院至開通初復置樞密院而宣徽之名因以不廢宋興以平章事爲宰相以叅知政事樞密使副知院同知院簽書院事竝爲執政官宣徽使

居執政官之次或以加前執政或以待勳者焉

宰相並以先後爲次出而復任者互存

范質

王溥

魏仁浦

趙普

薛居正

沈義倫

盧多遜

右自建隆元年正月至開寶九年十月

薛居正

子平

沈義倫

盧多遜

趙普

宋琪

李昉

趙普

呂蒙正

聖李昉

張齊賢

呂蒙正

呂端

右自太平興國元年十月至至道三年三

月

呂端 張齊賢 李沆初太 呂蒙正 向敏中

寇準仲平 畢士安 王旦明 向敏中 王欽若

寇準 李迪復古 丁謂 馮拯

右自至道三年三月至乾興元年二月

丁謂 馮拯 王曾先孝 王欽若定國 張知白用晦

張士遜 呂夷簡 張士遜 李迪 王曾

王隨正子 陳堯佐 張士遜 章得象 杜衍

賈昌朝 陳執中 文彥博 宋庠序公 龐籍

陳執中 梁適 富弼 劉沆冲之 韓琦

曾公亮

右自乾興元年二月至嘉祐八年三月

韓琦 曾公亮

右自嘉祐八年三月至治平四年正月

參知政事

薛居正 呂餘慶 劉熙古 盧多遜

右自乾德二年四月至開寶九年十月

竇侁 郭贄 宋琪 李昉 李穆

呂蒙正 李至 辛仲甫 王沔 陳恕

張齊賢 賈黃中 李沆 呂端 蘇易簡

趙昌言 寇準 向敏中 張洎 李昌齡

溫仲舒 王化基

右自太平興國元年十月至至道三年三月

向敏中 李昌齡 溫仲舒 王化基 李至

李沆 向敏中 王旦 王欽若 畢士安

馮拯 趙安仁 丁謂 陳彭年 王曾

張知白 李迪 丁謂 任中正 王曾

右自至道三年三月至乾興元年二月

任中正 王曾 呂夷簡 魯宗道 夏竦

薛奎 王晦叔 晏殊 王隋 蔡齊

盛度 韓億 程琳 石中立 王巖

李若谷 宋綬 晁宗慤 王舉正 賈昌朝

范仲淹 陳執中 宋庠 吳育 丁度

文彥博 明鎬 高若訥 劉沆 梁適

程戡 王堯臣 曾公亮 張昇 孫抃

歐陽修 趙槩

右自乾興元年二月至嘉祐八年三月

歐陽修 趙槩

右自嘉祐八年三月至治平四年正月

樞密

吳庭祚使趙普使李處耘宣兼李崇矩使

王仁贍副楚昭輔副升曹彬使

右自建隆元年正月至開寶九年十月

曹彬使加平章楚昭輔使石熙載簽書并副又加使柴禹錫宣兼

王顯宣兼副張齊賢簽王沔簽升

張宏副趙昌言副楊守一宣兼同知張齊賢副

張士遜宣兼溫仲舒副升寇準副改

柴禹錫宣兼劉昌言同知趙鎔宣兼向敏中同

錢若水同李惟清

右自太平興國元年十月至至道三年三

月

曹彬使平章趙鎔知王顯使向敏中副夏侯嶠副

錢若水同李惟清同楊礪副宋湜副周瑩宣兼

王旦同王繼英宣兼知馮拯同知

陳堯叟同知改簽加丁謂使王欽若同知加平

韓崇訓簽馬知節宣兼簽寇準使加平章王嗣宗副

曹利用副改知升使加張旻宣兼

任中正平章馬知節知周起副馮拯使加平章

曹瑋簽錢惟演副張士遜副

右自至道三年三月至乾興元年二月

曹利用使僕射侍中

張士遜副

張旻

使加僕射侍中天聖七年改名耆

錢惟演使

張知白副

晏殊副

夏竦副

范雍副

姜遵副

張堯佐副

夏竦使

趙稹副

晏殊副

楊崇勳宣兼副

王晦叔使

王德用

簽改同知升知又加宣

李諮副

王曾使同

王隨知

韓億同

蔡齊副

章得象同

盛度知

王巖同

王博文同

陳執中同

張觀同

夏守同

王巖知

晏殊知

宋綬知

王貽永

同知改副升使加平章

杜衍同

鄭戩副

任中師副

任布副

韓琦

范仲淹副

宮弼副

賈昌朝使

吳育副

龐籍副

丁度副

夏竦使

高若訥副

宋庠使

梁適副

王堯臣副

狄青副

孫沔副

田况副

王德用使同

程戩副

韓琦使

賈昌朝使

宋庠使

田况使

張昇副

孫抃副

曾公亮使

歐陽修副

趙槩副

陳升之副

包拯副

胡宿副

吳奎副

王疇副

右自乾興元年二月至嘉祐八年三月

張昇使

胡宿副

富弼使

吳奎副

王疇

陳升之副

文彥博使

呂公弼副

郭達同

右自嘉祐八年三月至治平四年正月

宣徽使

督居潤南

張美北

李處耘北

兼南

李崇矩北

兼

曹彬南

潘美北

南

右自建隆元年正月至開寶九年十月

潘美南

王仁瞻北

柴禹錫北

校

王顯南

兼

弭德超北

兼

郭守文北

楊守一北

兼

張士遜北

兼

柴禹錫北

知

趙鎔北

兼

右自太平興國元年十月至至道三年三

月

趙鎔南

兼

周瑩南

王繼英北

兼

雷有終北

馬知節北

兼

張旻南

曹瑋北

兼

右自至道三年三月至乾興元年二月

楊崇勳南

兼

王德用北

知

夏守斌南

李用知南

加

夏竦南

程琳北

李昭亮北

鄭戩北

張堯佐南

狄青南

吳育北

富弼南

曹佺南

程戩

右自乾興元年二月至嘉祐八年三月

後其





